

欽定大清會典事例

欽定大清會典事例卷一千一百五十六

步軍統領

官制 設官 守衛一

設官○

國初設步軍統領一人總尉

後改名翼尉

左右翼各一

人。步軍校八旗滿洲蒙古每參領下各四人。漢軍每參領下各二人。筆帖式四人。以統轄滿洲蒙古漢軍八旗步軍。○京城內九門外七門。沿明制設指揮千百戶。屬兵部職方司。漢主事專管。○又建巡捕南北二營。設參將二人。遊擊二

人把總十人亦以兵部主事督之。○順治四年改城門指揮十百戶為千總。○五年增設步軍副尉。後改名協尉。八旗滿洲蒙古漢軍各一人。○十年奏准白塔山暨內九門各置信礮五位。設守白塔信礮官。漢軍左右翼各二人。屬八旗都統統轄。○十四年建巡捕中營。設參將一人。遊擊一人。把總五人。○康熙十三年。

命步軍統領提督九門事務。○又定內九門城門尉。後改

名城門尉。城門校。後改名城門校。千總每門二人。外七門城門尉。城門校每門一人。千總每門二人。以統轄

十六門門軍。○二十四年。八旗滿洲蒙古每參領下。添設委署步軍校一人。○三十年。

命步軍統領兼管巡捕三營。○是年。鑄給提督九門步軍巡捕三營統領印信。增設筆帖式四人。守備十五人。千總六人。把總三人。○又設南營。

暢春園守備一人。把總一人。○三十三年。設中營。海子牆守備一人。千總一人。把總二人。○五十年。增設。

暢春園守備一人。把總一人。○又設南營。

靜明園把總一人。○六十一年。設員外郎一人。○

雍正元年。設南營

圓明園守備二人。千總一人。把總一人。○二年。改

設信礮總管一人。司信礮官。漢軍每旗一人。○

四年。添設步軍參尉。

後改名步軍副尉。

步八旗滿洲蒙古

漢軍每旗各一人。○七年。定步軍統領衙門

欽派部院堂官一人。協理刑名。○八年。增設員外郎

一人。主事二人。○十二年。增設千總七人。把總

六人。○十三年。設司務一人。增設筆帖式四人。

○乾隆八年。奏准監守信礮官。改隸步軍統領

管轄。○四十三年。定嗣後步軍統領。由尚書侍

郎簡放者不必復派部臣協理刑名事務其由都統副都統等官簡放者仍聲明恭候

簡放○四十六年

諭京師輦轂重地向來步軍統領所管營務止分中南北三營地方本屬廣闊又西北昆明湖一帶離城較遠稽查巡緝更覺耳目難周所有從前額設官兵不敷派撥且營制亦有參差未協之處其應如何添設兵丁酌安營汛並管兵員弁及一切事宜著議奏欽此遵

旨議定舊設巡捕三營有參將三人遊擊三人守備十

九人。千總十五人。把總三十人。經制外委四十人。額外外委二十人。馬兵一千四百七十名。步兵三千六百三十名。今於原設馬步兵外。添馬步兵四千九百名。定額一萬。分為步戰守三項。按京城南北左右。分設四營。以合方位。至

圓明園為

駐蹕之處。當定為中營。列巡捕營之首。共為中南北左右五營。前以南營參將一缺。管轄

圓明園一帶。例給副將銜。今改為中營。即以此缺改為中營副將。其四營各設參將一人。除原設

之參將外。應添參將二人。五營各設遊擊一人。除原設之遊擊外。應添遊擊二人。又五營定為二十三汛。中營五汛。南營六汛。餘三營各轄四汛。原設營汛守備十九員內。裁海子牆守備一人。每營添設都司一人。與守備一體分汛管轄。其中營都司。即為副將中軍都司。南營東珠市口汛守備。即為南營參將中軍守備。北營安定汛守備。即為北營參將中軍守備。左營河陽汛守備。即為左營參將中軍守備。右營阜成汛守備。即為右營參將中軍守備。每汛設千總二人。



把總四人。經制外委六人。額外外委三人。除原設之千把外。委外應添千總三十一人。把總六十二人。經制外委九十八人。額外外委四十九人。各按本汛要地分駐防守。○嘉慶四年

諭步軍統領為九門完鑰。統轄京營。總司緝捕。一人獨理。不特事權過重。兼恐稽察難周。自應另設佐理之員。以資分任。即如八旗設立都統。駐防設立將軍。俱有副都統。綠營設立提督。即有總兵。今步軍統領衙門亦當照此添設左右翼總兵各一員。遇有一切公務。步軍統領與總兵同堂坐辦。○又

諭八旗步軍向係提督專管。今著兩翼總兵一同管理。

其巡捕五營著將中營作提標。副將作為提督中軍。仍令管理圓明園一帶五汛。其餘參將四人。分管南北左右四營共十八汛。南左二營參將等官。並所轄之十汛。歸左翼總兵管。北右二營參將等官。並所轄之八汛。歸右翼總兵管。○又添設郎中一人。○六年

諭京營翼尉向係三品。為步軍統領衙門所屬。嗣經傅森條奏。令翼尉兼副都統。朕未能細檢。即降旨准行。後每有各不相下之見。在翼尉以既兼副都統。與步軍統領左右翼總兵。體制平行。而步軍統領等以翼

尉雖兼副都統。究係該衙門所屬。往往各爭分位。遇事齟齬。前曾降旨。令翼尉於呈報事件。照舊書名。其坐次在左右翼之次。今思各該旗設立都統及副都統。止係三人。已足辦理旗務。今步軍統領衙門增添左右翼總兵。一切公事。已有三人同辦。設步軍統領果有專擅之處。總兵即可隨事匡正。若再以翼尉副都統與步軍統領左右翼總兵一同辦事。共有五員。事權太分。未免各占身分。意見參差。於公事轉無裨益。况專擅與否。存乎其人。官制屢更。亦非政體。嗣後翼尉不必兼副都統。一切照舊制行。○九年奏准添

設副翼尉二人。由八旗協尉內補放三品虛銜。幫同翼尉辦事。仍食協尉本職原俸。○十八年奏准添設筆帖式四員。以翰林院筆帖式裁改。○二十二年添設中營參將一員。○道光二十四年裁撤信礮章京滿洲漢軍各二員。○又奏准將協尉所兼左右兩翼副翼尉二缺作為專缺。仍以三品頂戴食四品俸。○二十六年奏准皇城內兩翼添設滿洲協尉各一員。副尉各一員。裁減步甲二十一名。每年錢糧作為添設協副尉四員俸銀俸米之用。○咸豐十一年奏准添

設學習筆帖式四員。由吏部咨取各衙門實缺人員。奏請。

欽派大臣會同揀選。在本衙門學習行走。俟調補實缺後。再開底缺。○同治元年

諭。步軍統領衙門奏該衙門額設郎中等共十二員。不敷差委等語。著准其於宗人府六部理藩院等處。咨取才守兼優之司員各二員。其各衙門出色人員。並准指名奏調。與保送人員一體帶領引見。派為兼辦司員。二年期滿。如果辦事認真。即著保奏獎勵。○十

三年

諭廣壽奏步軍統領衙門向設郎中員外郎主事等官定制已極周妥。請裁撤兼辦司員等語。所奏不為無見。步軍統領衙門從前奏調各員。飭令仍回本衙門當差。其候選各員。仍回本旗候選。嗣後不得再行奏調。以符定制。○光緒十二年。添設員外郎一員。主事一員。筆帖式二員。○十三年奏准。五營效力世職。以二百名作為定額。額外者暫停支俸。

守衛○

皇城內各處汛守。分旗畫界。鑲黃旗滿洲地方。在紫禁城北。東自

地安門箭亭城牆起西至

地安門甬路分中接正黃旗界北自火藥局城牆

起南至三眼井接正白旗界中設步軍校二人

後各分汛十每汛設步軍十有二名後各柵欄

十有八座每座設步軍三名後各

景山後管理街道灑水兼管河道步軍校一人後各

旗步軍校步軍百二十名後各正白旗

滿洲地方在

紫禁城東北東自內府庫東口東牆起西至

景山東牆止北自三眼井起南至銀牕風神廟接

鑲白旗界分汎十有一。柵欄十。

景山東門設步軍校步軍如前。○鑲白旗滿洲地方。在

紫禁城東。東自騎河樓東牆起。西至北池子止。北

自

宣仁廟起。南至北池子南口。並望恩橋北。接正藍旗界。分汎十。柵欄十有三。北池子街設步軍校步軍如前。○正藍旗滿洲地方。在

紫禁城東南。東自東安門東城牆起。西至南池子街止。北自北池子街並望恩橋。接鑲白旗界起。



南至蒼蒲河城牆止。分汎十有一。柵欄九。南池子口。設步軍校步軍如前。○正黃旗滿洲地方在

紫禁城北。東自

地安門甬路分中起。西至西什庫止。北自侍衛教場城牆起。南至

宏仁寺分中。接正紅旗界。分汎十有二。柵欄十有六。內十座。各設步軍三名。餘六座。即附近汎兼管。

地安門內。設步軍校步軍如前。○正紅旗滿洲地

方。在

紫禁城西北。東自

景山西門起。西至

西安門城牆止。北自

宏仁寺分中起。南至

西安門甬路分中。接鑲紅旗界。分汛十有二。柵欄  
十有七。內十一座。各設步軍三名。餘附近汛兼  
管。

景山西門設步軍校步軍如前。○鑲紅旗滿洲地  
方。在

紫禁城西。東自

大高殿門分中。接正紅旗界起。西至

西安門城牆止。北自

西安門甬路分中起。南至大石槽城牆止。分汎十

有二。柵欄二十四。內一座。即附近汎兼管。

光明殿後。設步軍校步軍如前。○鑲藍旗滿洲地

方。在

紫禁城西南。東自

西華門起。西至

西苑門止。北自慎刑司接鑲紅旗界起。南至南府

城牆止。分汛十有二。柵欄九。內三座即附近汛兼管。

西華門外。設步軍校步軍如前。以上八旗均按該管地方遠近界址。防守稽查。夜則巡更擊柝。每汛設立更籌。自初更起。上下汛往來傳送黎明乃止。○又定。

皇城外大城內各處汛守。分旗畫界。鑲黃旗滿洲地方。在大城北。旗同蒙古東自新橋起。西至舊鼓樓大街。接正黃旗界。北自安定門城根起。南至紅廟後。接正白旗界。中設步軍校五人。後滿洲分各旗同。

汎五十三。每汎步軍十有二名。後各旗步軍人數同。

九十四座。每座步軍三名。後各旗同。激箭十有三。後

洲各旗同。蒙古旗地方。東自東直門北小街口。接本

旗漢軍界起。西至新橋西。接本旗滿洲界。北自

北城根。接本旗滿洲界起。南至汪家衙西口。

接正白旗界。中設步軍校二人。後蒙古旗同。分汎

二十二。柵欄二十九。激箭四。後蒙古旗同。漢軍旗

地方。在大城東北。東自東直門城根起。西至新

橋東。接本旗蒙古界。北自角樓迤西。接本旗滿

洲界起。南至南水關。接正白旗界。分汎十有七。

柵欄二十七。○正白旗滿洲地方。在大城東。蒙古

漢軍東自朝陽門北城根起。西至

地安門大街分中。接鑲黃正黃旗界。北自汪家衙  
衙西口起。南至大市街。接本旗蒙古界。分汎五  
十一。柵欄九十。蒙古旗地方。東自拐棒衙衙東  
口。接鑲白旗界起。西至城牆止。北自兵馬司衙  
衙。接本旗滿洲界起。南至報房衙衙。接鑲白旗  
界。分汎二十。柵欄三十五。漢軍旗地方。東自朝  
陽門城根起。西至雞鵝市。接本旗滿洲界。南自  
南小街口。接鑲白旗界起。北至何家口。接本旗

滿洲界分汎十有四。柵欄三十一。○鑲白旗滿

洲地方。在大城東。軍蒙古漢同東自東城根起。西至

城牆止。北自炒麵衙衙西口。接正白旗界起。南

至金魚衙衙東口。接本旗漢軍界分汎四十六。

柵欄八十。蒙古旗地方。東自城根中心臺起。西

至

東安門止。北自小石槽衙衙。接本旗滿洲界起。南

至小街口。接本旗漢軍界分汎十有三。柵欄三

十五。漢軍旗地方。在大城東南。東自東城根起。

西至王府大街。院府衙衙口止。北自金魚衙衙

東口起。南至就日坊三條衙衙。接正藍旗界。分

汎十有二。柵欄十有八。○正藍旗滿洲地方。在

大城南。

蒙古漢軍旗同。

東自城根起。西至城牆轉。西至

長安左門止。北自三條衙衙起。南至小報房衙衙

西口。接本旗蒙古界。分汎四十五。柵欄八十七。

蒙古旗地方。東自城根起。西至敦文坊東口。接

本旗漢軍界。北自小報房衙衙起。南至城根止。

分汎十有九。柵欄四十五。漢軍旗地方。東自敦

文坊東口起。西至棋盤街分中。接鑲紅旗界。北

自兵部街北口。接本旗滿洲界。南至城根止。分



汎十有五。柵欄十有五。○正黃旗滿洲地方在大城北。北自德勝門城根起。南至城牆西北角止。東自

地安門分中。接鑲黃旗界起。西至水關橋止。分汎

五十五。

內一汎止。設步軍五名。

柵欄九十一。內三座係附

近汎兵兼管。激箭十有五。蒙古旗地方在大城

西北。

漢軍旗同。

北自北城根起。南至官園口止。東自

橫橋起。西至西直門止。分汎十有八。柵欄三十。

內二座係附近汎兵兼管。漢軍旗地方。北自北

城根起。南至臭皮街。接正紅旗界。東自水關

接本旗滿洲界起。西至橫橋接本旗蒙古界。分  
汎十有八。柵欄四十一。內一座係附近汎兵兼  
管。○正紅旗滿洲地方。在大城西。蒙古漢北自  
軍旗附近臭皮衙起。南至丁字街止。東自大市街分中  
起。西至馬石橋。接本旗蒙古界。分汎三十八。柵  
欄七十九。內六座係附近汎兵兼管。激箭十有  
四。蒙古旗地方。北自朝天宮前起。南至武衣庫  
衙止。東自馬石橋起。西至阜城門止。分汎十  
有四。柵欄三十六。內六座係附近汎兵兼管。漢  
軍旗地方。北自倉夾道北柵欄起。南至

西安門分中止。東自城牆起。西至大市街分中。接本旗滿洲界。分汎十。柵欄十有四。○鑲紅旗滿洲地方。在大城西南。北自按院衙衙起。南至南城根止。東自瞻雲坊分中起。西至西城根止。分汎四十八。柵欄九十六。內十一座係附近汎兵兼管。激箭十有四。蒙古旗地方。在大城南。漢軍旗同北自絨綫衙衙。接本旗滿洲界起。南至宣武門止。東自六部口起。西至大濠止。分汎十有三。柵欄二十三。內二座係附近汎兵兼管。漢軍旗地方。北自刑部門分中起。南至南城根止。東自棋

盤街分中起。西至六部口。接本旗蒙古界。分汎  
十。柵欄三十九。內七座。係附近汎兵兼管。○鑲  
藍旗滿洲地方。在大城西。旗帖北自丁字街。接  
正紅旗界起。南至瞻雲坊。接鑲紅旗界止。東自  
城牆起。西至河漕沿止。分汎五十。柵欄九十七。  
內六座。係附近汎兵兼管。蒙古旗地方。北自武  
衣庫衛衙。接正紅旗界起。南至按院衛衙止。東  
自河漕沿起。西至西城根止。分汎十有五。柵欄  
二十四。內四座。係附近汎兵兼管。漢軍旗地方。  
在大城南。北自灰廠。接本旗滿洲界起。南至刑

部門分中。接鑲紅旗界止。東自

長安右門起。西至瞻雲坊。接本旗滿洲界。分汛十。  
柵欄三十四。內三座係附近汛兵兼管。以上二  
十四旗。均按該管地方遠近界址。防守稽查。夜  
則巡更擊柝。每汛設立更籌。自初更起。上下汛  
往來傳送。黎明乃止。○又定大城外三營。分管  
地界。東三汛。北營外西一守備汛。內所轄。至大  
王莊觀音堂止。中營外正東守備汛。內所轄。至  
雙橋止。外東南守備汛。內所轄。至北廣司邨止。  
均接通州界。南二汛。中營外正南守備汛。內所

轄至

南苑北牆止。南營外南二守備汛內所轄。至西紅門三官廟止。均接舊州營界。西二汛南營外南三守備汛內所轄。至大井邨止。外南一守備汛內所轄。至田邨府君廟止。均接拱極營界。北二汛北營外正北守備汛內所轄。至清河利水橋河沿止。接鞏華營界。又外東北守備汛內所轄。至羊房邨止。接沙河汛界。以上各汛統以南北中三營參將各一人。中營所屬馬兵汛五十四。步兵汛五十五。柵欄百九十三。鳥槍百。激箭五。

南營所屬馬兵汎六十二。步兵汎八十二。柵欄  
百四十五。鳥槍百。激箭十有一。北營所屬馬兵  
汎四十九。步兵汎四十。柵欄百有二。鳥槍百。激  
箭八。又定。

圓明園三汎界址。東自劉邨五道廟起。西至京山  
口。與宛平縣接界。南自黃莊馬兵汎路北起。北  
至樹邨中營後街。與昌平州接界。又定。捕盜  
步軍校。每旗五人。以滿洲旗地方。分為三分。令  
滿洲捕盜步軍校三人分管。其蒙古漢軍地方。  
令蒙古漢軍之捕盜步軍校管轄。以專責成。南

城外地方。遇有失火之事。步軍統領卽率所屬  
弁兵。啟城門往救。左右步軍翼尉率弁兵於城  
門防守。仍報兵部存案。



[illegible]

欽定大清會典事例卷一千一百五十七

步軍統領

官制

守衛二

升除

康熙三十一年定。凡遇

聖駕行幸。

皇城內外緊要地方。增置堆撥。每旗增步軍協尉一人直宿。其巡察堆撥柵欄弁兵。及捕盜步軍校等。亦嚴加巡防。至正陽崇文宣武三門外。巡捕營參將遊擊。各率該管守備千把總坐班看守。再將八旗步軍。編設二十堆撥。增置於營兵

堆撥適中處。夜間傳籌。委步軍校十有六人。更番管轄。協尉四人。輪流稽察。其餘各門外守備。在各該門外坐班。千把總等。在關廂坐班。十六門城門領等。均令進堆直宿。各嚴守衛。俟

聖駕回鑾日撤回。○又定。凡遇

聖駕恭謁

陵寢。奏委步軍翼尉協尉筆帖式各一人。捕盜步軍校八人。守備千把總各一人。健步官十人。番役捕役各四名。捕盜步軍二十八名。馬兵八名。隨往。如

聖駕行圍。奏委翼尉筆帖式各一人。協尉二人。捕盜步軍校八人。守備千把總各一人。健步官十人。番役捕役馬兵各八名。捕盜步軍四十八名。隨往。

皇子未分封者奉

差。奏委捕盜步軍校二人。千總一人。馬兵步軍番役各二名。捕盜步軍六名。隨行。○三十三年奏准。步軍統領。增設令箭十二枝。以備隨時調遣。及宣傳號令之用。○雍正元年定。

圓明園附近處。設八旗步軍汛。凡五十所。激箭八。

步軍協尉四人。步軍校十有二人。每汛領催三名。步軍十名。晝夜巡邏。又設三營馬兵汛十有五。步兵汛五十二。○乾隆九年定。

靜明園附近處。設三營步兵汛十有二。

靜宜園附近處。設三營馬兵汛一。步兵汛十。西山小屯邨及冷泉附近處。各設三營馬兵汛一。步

兵汛四。

每汛設兵或三名。或四名。或五名。如遇

聖駕巡幸。以參將一人。於清梵寺前駐紮。各汛守備。在通衢大街。千把總等。在偏街小巷防守。嚴加稽察。晝夜巡邏。○十年奏准。內九門城上。共房

二百四十一所。每所三間。計房七百二十三間。除收儲鎗旗信礮火藥外。尚有堆撥房百三十五所。設步軍堆撥八十七處。如遇

駐蹕圓明園。增驍騎堆撥四十八處。恭遇

聖駕巡守方嶽。將步軍撤下。分防大街巷口。城上悉令驍騎看守。其房屋如有坍塌。照例移咨工部。隨時修理。至外七門城上。並無官建堆房。其看守係巡捕營兵。上設堆撥十有八所。每所步兵三名。共千把總三人管轄。每堆撥房一間。皆遠年蓋造。悉多傾頽。且外七門周圍二十五里有

餘止設堆撥十八處。相隔寫遠。呼應不靈。增蓋堆撥房二十八間。除分給直班千把總三間外。其餘二十五間。設堆撥二十五處。所需工料。即於統領衙門房租銀內。動支購辦。○四十六年。議准。五營所管地方。中營分為五汛。副將兼管中營事務一員。仍駐紮海淀。其改設遊擊一員。應在四王府駐紮五汛之內。最要之。

圓明園一汛。安設都司一員。

暢春園樹邨香山三汛。仍令原設守備照舊管理。其外南一一汛。舊制管理西直阜成兩門一帶。

邨莊今改為

樂善園。汛專管西直門外。及長河一帶至萬壽街等處。將阜成門外關廂一帶撥歸右營管轄。京城前三門外。應改為南營。向有六汛。係三營交錯管轄。今俱歸南營管理。舊中營參將駐紮崇文門外。南營遊擊駐紮菜市口。今即作南營參將遊擊駐紮之所。珠市口以西之西南一汛。素稱繁要。今改為都司。其餘五汛守備悉照舊管轄。北營四汛。德勝安定東直及朝陽門外石路以北。此內德勝門外。地方廣闊。應將北營參將



駐紮。其遊擊仍駐紮安定門外。德勝門守備一缺。應改都司。其餘安定東直朝陽等三門。俱安設守備一員。管轄左營四汛。朝陽門外石道以南。及東便廣渠至永定門以東。右營四汛。阜成門以南。及西便廣甯至永定門以西。內左營之朝陽東便二門。水陸通衢。且漕糧運倉。俱由東便門至朝陽門運送。右營之阜成廣甯二門。人煙稠密。且管轄西山一帶。應將左營參將駐紮朝陽門。遊擊駐紮東便門。右營參將駐紮阜成門。遊擊駐紮廣甯門。至永定左安右安等門。距

參將駐紮之處既遠。邨莊廣闊。且有海子四面圍牆。應在左安門外適中之地。設立左營都司一員。右安門外適中之地。設立右營都司一員。其餘左營之朝陽東便廣渠等門。右營之阜成西便廣甯等門。各安設守備一員。分資彈壓。所有五營二十三汛千總把總外委。各於本汛要地分駐防守。○嘉慶六年

諭向來城上該班驍騎營與步營官兵。遇朕巡幸。則專派馬甲。如值駐蹕圓明園及封印後。步甲之外。又添馬甲。辦理本未盡一。且聞兵丁等往往正身不到。私

自雇人替代。有名無實。著交兵部步軍統領衙門。及直年旗等。嚴禁雇替。並妥定章程。將如何輪派官兵。分營按日在城巡邏之處。詳議具奏。欽此。遵

旨議定。向來左右兩翼八旗步營。安設城上堆撥八十五座。大樓九座。角樓四座。共設兵九百二名。章京二十四員。遇

聖駕巡幸。則將城上步營官兵。全行撤下。專設驍騎營官兵。如

駐蹕圓明園及封印後。其步軍營官兵。照舊該班。又添設驍騎營官兵。辦理殊未盡一。嗣後八旗驍

騎營與步軍營官兵。照原定數目。兩營輪查。派往該班。十日一換。所派官兵。亦在各該營內輪流更換。不得常川專派。以杜久駐滋弊。遇

聖駕巡幸。及

駐蹕圓明園。與封印後。均照此一例辦理。由八旗都統及步軍統領衙門派員。不時前往稽察。兵部輪派司員。分城巡查。如有曠誤及頂名雇替者。兵丁鞭責。該管官議處。仍將每十日派出官兵。由該班官員造冊。先送兵部。其馬道柵欄鎖鑰。即交各旗營該班章京掌管。於換班日期交代。

○十六年奏准沿城八旗馬道十九處。每處分道二股。各設柵欄一座。共柵欄三十八座。每馬道一座。原議應添設步軍校一員。步甲十名。分派各柵欄看守。以昭嚴密。合計每座柵欄應建蓋堆撥房三間。共應蓋房一百一十四間。官兵得棲止之所。不致有藉口曠誤之事。步軍統領衙門。仍不時派官稽查。如有疏懈者。官則嚴叅。兵丁則從重懲辦。○十八年

諭內城地面。向係步軍統領管轄。舊有十家戶名目。即仿照保甲規制。覈實編查。較為簡易。所有內城旗民

戶口。編查保甲事宜。著專責成。步軍統領衙門認真妥辦。毋稍延緩。此內除王公滿漢文武官員三品以上者。令其自行查察外。其四品以下職官。均與旗民一體編查。有升任三品者。隨時具報開除。○又奏准。火堆官兵。每旗著派滿洲章京二員。兵二十名。蒙古漢軍章京各一員。兵十名。仍令五日一班。在堆常川看守。其裁減章京四員。兵四十名。即令撤回本旗。補派別項差使。其馬十匹。亦裁減四匹。撤歸本旗拴養。○道光九年

諭嗣後凡餉鞘到京。其進城及入店出店日期。著各該

委員結報該營。該營即稟報步軍統領衙門。每屆一月。由該衙門彙總分析清單。具奏一次。以憑察覈。○咸豐九年奏准添設火藥局圍牆外堆撥五處。酌派南營把總一員。兵二名。在局牆正門堆撥棲止。其餘堆撥四處。每處安設兵丁三名。均在堆撥直宿。晝夜梭巡認真防守。○十一年奏准裁撤。

圓明園該班步甲。所有

園庭附近堆撥。即飭中營將官。派撥弁兵直班。以資稽察。○同治六年奏准在櫻桃溝志在山水

源溝口扼要之地添建堆撥一處派兵棲止晝夜巡查用資守護並於溝口迤西卧佛寺迤西添建卡牆二道以防踐踏○光緒十一年

諭御史方汝紹奏城濠修理整齊請建立堆撥防護等因著步軍統領衙門酌覈辦理欽此遵

旨議定沿河添設堆撥二十五處每處建房二間又左安門外等處原設堆撥四處略加修理每堆撥營弁二員兵十名分為兩班按段駐守嚴禁閒雜人等刨挖毀設遇雨水衝刷稍有傾圮情形即時稟報咨行河道溝渠大臣酌量修補



升除。○原定員外郎員缺。由本衙門移咨吏部。轉行各部院。於主事內揀選通曉滿漢文移。熟悉刑名。人誠實者。咨送本衙門。由步軍統領揀選一二人。同本衙門主事引。

見補授主事員缺。於本衙門司務筆帖式內。選擬正陪。引。

見補授司務員缺。於本衙門筆帖式內。選擬正陪。咨送吏部。引。

見補授筆帖式員缺。移咨吏部。照揀選督撫筆帖式例。轉行各部院。於筆帖式內。將老成諳練者保

送會同步軍統領揀選由吏部引

見調補左右翼步軍翼尉員缺由本衙門行文該翼四旗滿洲都統護軍統領於驍騎參領護軍參領內每旗各揀選一人由步軍統領引

見補授八旗滿洲蒙古漢軍協尉員缺於各該旗城門領副尉步軍校內揀選如步軍營內無可升之人行文各該旗於世爵男以下騎都尉以上揀選若蒙古漢軍協尉員缺該旗內無可選之人將滿洲旗員通行遴選均擬定正陪引

見補授副尉員缺於該旗步軍校內選擬正陪步軍

校員缺。會同該旗都統。於委署步軍校。及雲騎尉。前鋒校。親軍校。護軍校。驍騎校。城門吏。隨旗行走之五六七八品官。調旗對品補用之部員內。選擬正陪。委署步軍校員缺。會同各該旗都統。於雲騎尉。護軍校。驍騎校。隨旗行走之五六七八品官。選擬正陪。均引。

見補授。捕盜步軍校。於該旗步軍校。委署步軍校內。揀選委用。內九門城門領員缺。於該旗副尉步軍校內。揀選。如步軍營內無可揀選之人。會同該旗。於騎都尉。雲騎尉等世爵內。選擬正陪。引。

見補授。年老官員。尚堪任用者。亦准選擬。內九門城門領。蒙古旗分。亦准與選。城門吏員缺。由該旗都統。於前鋒護軍領催驍騎內。選擬正陪。引。

見補授。門千總員缺。移咨兵部銓補。監守信礮總管員缺。由八旗直年都統。於八旗世爵。及監守信礮五品官。引。

見補授。監守信礮五品官員缺。由該旗都統。於騎都尉。雲騎尉。護軍校。驍騎校。六七八品官內。選擬正陪。引。

見補授。巡捕三營參將員缺。以遊擊題補。遊擊員缺。

以守備題補。守備員缺。以千總題補。均由步軍統領揀選諳練地方材技優長之人引。

見補授千總員缺。以把總拔補。把總員缺。以外委千把總及兵丁並發營補用之人選補。外委千總員缺。以外委把總拔補。外委把總員缺。於百總內拔補。凡營弁降級調用者。照所降之級。仍以巡捕營弁補用。○乾隆九年議准。巡捕三營失竊之案。叅送議處各弁。皆免其停升。遇有應升。仍准其一例遴選升拔。所有原叅之案。帶於新任。令其加意協緝。務獲。限滿不獲。扣限叅送。照

離任官例。察議完結。○三十七年

諭。兵部將揀發武職人員。帶領引見。內由綠營漢官揀用者。止有一員。詢之該部。因向來遇有揀選漢員。內合例者甚少。未經保送到部。是以將各處保送之滿洲人員揀補。但綠營將領。雖屬滿漢參用。亦必須所佔員缺。多寡適均。方合體制。至巡捕營各官。本在應行揀選之例。因該員等俱有降級留任及停升處分。為例所格。不能與選。第京城人衆事繁。巡捕營有查緝專司。該員等易于吏議。覈其情節。多屬因公。不至遽阻其上進之路。嗣後巡捕三營官員。現在降級停

升處分者。遇應行揀選時。仍准其一體揀選。其處分之案。即令其帶於新任。○四十年奏准。嗣後除盜案及私罪降革留任。仍照例停升外。其命竊等案。並因公誥誤降留住俸參遊備升等官。照五城司坊文職之例。一體准其論俸推升。其處分之案。令其帶於新任。○又

諭滿洲人員。簡放綠營將佐。卹廕子弟。經朕定以綠營錄用者。究屬年幼未經諳練。驟放外省。既於營伍未諳。且一時不能得缺。在家守候。仍不免於閒曠。莫若令伊等在京營等處學習當差。以資造就。著議奏。欽

此遵

旨議定。八旗應廕都司守備千總把總等官。凡以外缺錄用者。俱發交巡捕營學習。定以三年為滿。屆期考驗。一等留於該營題補。二等送兵部發往直隸拔補。三等該營帶領引

見恭候

欽定。○四十六年議准。嗣後遇有遊擊缺出。以都司升補。都司缺出。以守備升補。○嘉慶四年

諭。嗣後八旗都統及各省提督缺出。俱准將兩翼總兵開列。如兩翼總兵缺出。即將八旗副都統及京營副



將開列候朕簡用。○又奏准步軍統領衙門添設郎中一員。定為題缺。遇有缺出。由步軍統領衙門員外郎內擬定正陪。引

見補放。至員外郎缺出。向例將步軍統領衙門主事擬定正陪。並咨取各部院主事揀選移送一員一體引

見補放。嗣後員外郎缺出。亦照郎中之例。在主事內擬定正陪。引

見補放。毋庸由各部院咨取。○八年

諭祿康等奏步軍統領衙門各司員請一體保送各差

向來各部院司員。遇有關稅錢局等差。均准隨時保送。步軍統領衙門各司員當差。既與部院無異。且據稱該司員等。於審解旗營事案。尙知黽勉。著照所請。嗣後遇有應送關稅錢局等差時。准照各部院衙門一體保送。以示鼓勵。○道光元年

諭。嗣後該衙門遇有應行缺出。將儘先升用與資格較深。當差勤奮之員。相間揀選。擬正正陪引見。候旨簡放。○咸豐三年奏准。本衙門筆帖式。遇有補放糧餉。章京。即照倉場及三庫筆帖式調還本缺之例。由吏部咨取各部院實缺筆帖式。揀選調補。步

軍統領衙門筆帖式。所遺各部院底缺。即以本衙門出差之筆帖式調補。○同治元年

諭。嗣後八旗地面各官。如有庸劣無能。公務廢弛者。即著步軍統領等奏參褫革。其才不勝任。即奏請咨回該旗營。所遺之缺。均由該衙門行文各旗營。咨取有守有為之員。與本營應升人員。一體揀選補放。其各旗營出色人員。准由該衙門指名奏調。該員等補缺後。扣滿三年。如能始終奮勉。准由步軍統領等據實保奏。無論旗綠各營應升之缺。即行坐補。以昭激勸。如或人地不宜。即將該員送回原旗營。另候錄用。庸

劣不職者。立予叅革。○四年奏准。凡五營官員缺出。如遇行伍到班第一缺。用軍營巡防處保舉一人。第二缺。用本衙門保舉一人。第三缺。用勞績較多一人。輪轉拔補。○又奏准。閒用新章第一缺。閒用各項保舉。不論班次一人。第二缺。閒用本班應升應補一人。第三缺。閒用坐補一人。○又奏准。凡軍營巡防處人員。輪應到班。先用現在軍營當差得有軍營保舉人員。再遇軍營巡防處到班時。即用現已回京從前曾在軍營及巡防處得有保舉一人。○六年奏准。凡步軍營

內應行揀選協副尉之員。即以本翼四旗人員一體揀選。仍按滿洲蒙古漢軍各補各缺。○又奏准揀選步軍校。以一旗應升之員不拘固山一併揀選。○又奏准現任協副尉。儻有人地不甚相宜者。即由步軍統領等隨時酌量奏請更調。○又奏准凡遇步軍營委步軍校缺出。即專在技勇營虛銜委步軍校內不拘旗分。各按固山。由步軍統領等揀選正陪驗放補授。俟出有同旗委步軍校之缺。再行調回。○又奏准步軍營自翼尉等官。以及委步軍校並各門門領內。

果有才能出衆。整頓地方。拏獲多案。著有實效者。由步軍統領出具切實考語。各按應升官階保奏。以副參遊都守等官。歸部在任候選。○光緒十二年奏准。遇有本衙門學習筆帖式缺出。仍由吏部咨取各衙門筆帖式造冊彙送步軍統領衙門。當堂認真面試。漢文試以漢論。清文試以繙譯。每缺考取二三人。仍由吏部進單請旨。圈出後挨次奏補。○又奏准。考試筆帖式章程。以三缺為一周。連考漢文二次。再考清文一次。缺多則併考。

[illegible]

欽定大清會典事例卷一千一百五十八

步軍統領

職制 斷獄 門禁 編查保甲

斷獄○康熙十三年定凡審理八旗三營擎獲違禁犯法姦匪逃盜一應案件審係輕罪步軍統領衙門自行完結徒罪以上錄供送刑部定擬○雍正二年議准崇文宣武朝陽阜成東直西直安定德勝八門每門各設監獄凡旗人獲罪刑部議定枷示或步軍統領衙門奏明永遠枷示人犯皆發門監羈禁如封印後步軍統領



衙門監內人犯過多。亦發門監羈禁。

崇文門監  
鑲白旗人。

宣武門監鑲紅旗人。朝陽門監正藍旗人。阜成門監鑲藍旗人。東直門監鑲黃旗人。西直門監

正黃旗人。安定門監正白旗人。○又定旗人命案已旗人。德勝門監正紅旗人。

經驗明。令其擡送。如有勒索攔阻者。該堆撥及城門直班官兵。拿送刑部治罪。若知而不拿。將直班官罰俸一年。兵丁鞭五十。○七年

諭

步軍統領衙門事務繁多。所有刑名事件。應派部院

堂官一員。協同辦理。參酌律例。以期允當。著為例。○

乾隆七年定。八旗滿洲蒙古漢軍正身犯姦案件。流罪以下。步軍統領審理。以清字文案自行

完結。其因姦罪至死者。步軍統領會同三法司滿堂官審明定擬。用清字具奏。○三十九年

諭遞解人犯一事。五城提督等衙門向俱自行辦理。究不免有流弊。京師五方雲集。衆所環依。苟非下賤匪類兇頑生事。及實患瘋病之人。原可毋庸擯歸原籍。而遞解之案。亦不可無所稽查。嗣後五城提督順天府各衙門。遇有應行遞解人犯。除係直隸就近遞回者。聽各該衙門照舊辦理外。其餘應解回別省人犯。均著敘明案由。交送刑部覈明應解與否。妥協辦理。交該地方官管束。並著刑部三月彙奏一次。以昭慎

重。各該衙門不得仍前自行遞解。著為令。○四十三

年

諭。向來步軍統領衙門設有協理刑名事務部臣一人。參酌刑律。原因步軍統領或從武職簡放。恐於一切刑名律例未及周知。是以酌設協理大臣。以資參覈。今步軍統領皆係朕簡用。部院內親信大臣。遇有刑名事件。皆能自辦。無所庸其參酌。且協理所辦刑名。不過杖罪以下之稿。又大抵隨同畫諾。初未嘗置可否於其間。殊屬有名無實。嗣後步軍統領有由都統副都統等官簡放者。該部聲明請旨簡派。其由尚書

侍郎簡放者。即不必復派協理之員。著為令。○五十年奏准。各門監內監禁永遠枷犯。多係不安本分匪徒。數十年來。按月支給口糧。更需官兵晝夜嚴密看守。於城門重地。所關尤重。嗣後此項人犯。逾十年後。交刑部覈其罪名輕重。於伊犁烏魯木齊黑龍江等處。分別發遣為奴。各門要地。既可肅清。口糧亦歸節省。○嘉慶四年

諭向來各省民人赴都察院步軍統領衙門呈控案件。該衙門有具摺奏聞者。有咨回各該省督撫審辦者。亦有徑行駁斥者。辦理之法有三。似此則伊等准駁。

竟可意為高下。現當廣開言路。明目達聰。原俾下情無不上達。若將具控之案。擅自駁斥。設遇有控告該省督撫貪黷不職。及關涉權要等事。或瞻顧情面。壓閣不辦。恐致啟賄囑消弭之漸。所關匪小。嗣後遇有各省呈控之案。俱不准駁斥。其案情較重者。自應即行具奏。即有應咨回本省審辦之案。亦應於一月或兩月。視控案之多寡。彙奏一次。並將各案情於摺內分析註明。候朕披閱。儻有案情重大。不即具奏。僅咨回本省辦理者。經朕看出。必將各堂官交部嚴加議處。著為令。

門禁○順治初年定。

午門外朝會坐班行禮處。各官隨從。交該旗委出之驍騎校。並管守朝房之步軍校。概行驅逐。儻有容留。將驍騎校步軍校及從役之本主。皆罰俸一月。○又定。每月逢五常朝日。由禮部咨兵部轉行步軍統領衙門。於黎明啟正陽門。○又定恭遇。

御門聽政日。城外居住官員。應早入者。由兵部行文於曉鐘後啟正陽門。○又定恭遇。

廟祭祀日期。內外城陪祀各官。有應早入城出城者。均由太常寺先期咨兵部轉行。於五鼓後啟門。內務府衙門。遇有祭祀出城取水。豫期行文。或早啟。或遲閉。其餘各部院八旗。有應早啟城門出入者。均豫具印文。移咨兵部。覈明應行者。轉行步軍統領衙門。啟門放行。如無兵部印文。概不准啟。○又定。凡遇朝會之期。派步軍協尉四人。副尉四人。步軍校十有六人。步軍酌量差撥在午門外。大清門內。

御道兩旁。禁止喧譁。又於

長安左右門外。每門委捕盜步軍校二人。阻逐閒人。○又定。凡遇

聖駕行幸地方。有叩

聞者。該管步軍校罰俸六月。步軍副尉罰俸二月。該汎步兵鞭八十。進

紫禁城叩

聞者。守門官罰俸六月。○又定。凡失察偷越京城者。將管城門之城門領城門吏千總。及城上直班之步軍校。各降三級調用。越城而未過者。各



降二級調用。若越城之人。未經上城。即被拿獲者。該管官皆免議。○八年題准。官民人等摘纓有服者。不許於

闕左右門

長安左右門出入。

大清門下馬牌石欄前。不許民人貿易。○康熙十二年題准。直守

禁門曠班者革職。若有故。不向該管官呈明。以致曠班者。罰俸一年。○十三年定。官民出殯者。正陽門永行禁止。如遇祭

壇。安定門於祭前十日祭。

日壇

月壇。朝陽阜成二門。各於祭日。均由太常寺知會。轉傳各門。一體禁止。○二十三年題准。

大內中路。乃

鑾輿經行御道。不許官民行走。

午門內。交與守門直班護軍參領護軍校。

闕左門

闕右門

天安門

大清等門。交與直班步軍校步軍嚴加查察。雍正七年。

均改交直班護軍參領等查察。直行

御道上者。係官。交部題參議處。係兵民送刑部治罪。如直班官員兵丁。徇情不舉。被科道官糾參。將直班官員兵丁。一併交部議處。○三十一年定。凡遇

行幸

駐蹕暢春園。城內各衙門。按日前往奏事。傳知西直門。德勝門。西便門。

駐蹕南苑。傳知正陽永定等門。均酌量早啟遲閉。其

平常行人。仍於黎明時放行。○三十八年議准。  
正陽門城門領驍騎等。皆由八旗充補。毋庸議。  
調其崇文等八門城門領城門吏千總。若令各  
按本翼調門看守。管轄不致瞻徇。於門務有益。  
應將鑲黃正藍二門城門領城門吏千總等。即  
對調看守。其正白鑲白二門正黃鑲藍二門正  
紅鑲紅二門城門領城門吏千總等。亦令照此  
對調看守。其兵丁等。仍按各旗留門看守。○雍  
正四年奉

旨。步軍統領衙門及正陽西直二門。各給陰文合符一

扇傳諭步軍統領如遇夜有奉旨差遣及緊急軍務應即時啟門者正陽西直二門俟大內持出陽文合符至門該城門領將該門之陰文合符照驗明白即行啟門仍報知統領其餘各門遇陽文合符至門該城門領即報統領親齎陰文合符至門與陽文合符照驗啟門於次日具奏平時啟門仍遵例行。○七年奉

旨大清天安端門此三門向係步軍營看守若調用護軍八旗護軍校護軍等是否足數差遣令護軍統領等酌議具奏欽此遵

旨議定。上三旗看守之處甚多。下五旗參領護軍校護軍。惟有看守

紫禁城之責。請將

大清門

天安門

端門。每門委下五旗護軍參領一人。護軍校二人。副護軍校二人。護軍十有六名看守。其灑掃仍令步軍營管理。○乾隆十二年議准。凡遇

聖駕巡幸。有叩

關人在步軍營管轄之內者。該管步軍校等。照例

議處。若在

御路稍遠。步軍營管轄之外者。步軍校罰俸三月。步軍協尉罰俸一月。步軍鞭四十。○又定。凡遇駕宿齋宮。步軍統領於附近城門內直宿。翼尉一人。協尉副尉四人。於

壇內直宿。外垣以內。設八旗步軍汛二十四處。步軍校十六人。每汛領催一名。步軍六名。竟夕巡邏。三營參將遊擊各一人。在要路防守。外垣以外三營。共設汛四十處。每汛步兵四名。每十汛千把總各一人。徹夜巡邏。守備二人。往來稽查。○又

定凡遇

乘輿經過。在大城內各街道。由步軍統領率屬督領步軍。修墊埽除。若大城外屬京汛所轄之街道。由步軍統領率八旗步軍及三營官兵。修墊埽除。如遇橋梁有應行修理者。即行大興宛平二縣搭蓋修理。○二十五年奏准。

皇城禁地。周圍牆垣。最關緊要。乃近日附近城根之民居僧寺。及兵丁堆撥。往往接牆築至城根。作為後院。並有看守倉庫堆撥小房。皆倚靠城根。建蓋應令或拆毀。或挪建。務使城根房屋。一



律與城垣相隔。以昭整肅。○嘉慶六年奉

旨。嗣後五倉及通倉放米之期。應如何酌定章程。不致城門擁擠之處。著步軍統領衙門妥議具奏。欽此。遵旨議定。嗣後外城開倉放米之期。令該監督將米車挨次逐輛放出倉外。不准齊放。自倉門口起。至朝陽門止。交該營將備多派千把總帶領兵丁。逐段稽查。其朝陽門起。至城內大街止。責令左翼翼尉該城門官及步營官員管束。交該營員多派官兵。逐段稽查。所有尋常車輛。亦令分上下車轍。逐段隨行。毋許攙越停留。如有車戶人等

不遵者。枷號示衆。至通倉放米之日。亦令該營自東嶽廟之東管轄起。俱令循轍魚貫而行。設遇城外五倉齊開之日。飭令該營將尋常來往買賣輕車。俱令繞道由東直門行走。至各門外車輛行人出入。事同一轍。嚴飭各門及該管官員。一體嚴行稽查。不使稍有擁塞。○八年奏。嗣後凡遇恭祀

天壇。無論王公大臣官員。俱仍准其在二層門外下馬。其乘轎坐車騎羸之人。概不准入頭層門。奉

郊壇重地。凡陪祀王公大臣。理宜倍加敬謹。於頭層門外一體下轎。但念漢大臣內有年老不能乘騎者。嗣後凡遇

天壇大祀。儀親王。成親王。雖年未六十。著加恩准其乘轎至二層門外。其餘諸王以下。及滿漢頭品大臣。年在六十五歲以上者。亦准其乘轎至二層門外。仍各嚴飭家丁管束轎夫等。毋許嘈雜。儻有滋事之處。惟該王大臣是問。此外不准乘轎至頭層門內。以崇體制。而昭畫一。○又

諭京城九門外。附近城垣地面。原應修治平坦。以肅觀

瞻。今城垣下各處皆有積土。而前三門外。竟有高至丈餘者。即間有風沙壅積。亦必不至如此之甚。揆厥由來。皆因修築城工時。不遵照定例。將餘積砂礫加工運遠。以至填委城下。又前年挑濬護城河時。將河內挑出淤沙。全行堆積兩岸。彼時承辦各員。希圖減省運腳。此時又復派人挑運。轉多糜一番工費。著交步軍統領衙門。即將九門外沙土淤墊之處。逐一履勘。查明具奏。除實係風沙吹壅。官為挑運外。其餘如係曾經修築城工地段。即著落承修之員。自行雇覓人夫挑運。係護城河岸地面。即著落原辦挑濬河渠。

之員自行雇覓人夫挑運。俟一律修治平坦。具報工竣。查驗後。步軍統領衙門。仍於每年霜降前。周歷查勘。隨時修整。以符定制。再前曾降旨。諭令步軍統領衙門。將城牆樹木。靠近倉廩。易於攀援者。相度芟除。此次並著該衙門。於履勘城外積土時。再行查看。除根株盤結。與城上甃石相連者。毋庸刨挖外。其叢生雜樹。量為翦伐。並飭令該管弁兵。不時留心巡查。毋致日久懈弛。○十五年

諭向來粗米不准顆粒出城。所以杜回漕之弊。至若升斗細米。准鄉人入城糴買。以資口食。本不在禁止之

例乃近日該營員等。往往規避處分。概行攔阻。以致實係附近鄉民買食細米。亦一概不准出城。殊於小民生計有關。著步軍統領衙門。通飭各營員及城門領等。嗣後該商戶等。如有偷運販賣。及囤積牟利等弊。該地方文武員弁。自當隨時實力訪拏。其附近居民糴買細米。數在一石以內者。著照舊定章程。准其出城。毋得攔阻。○十六年

諭前因太平倉廩座有從城上釣桶之事。因思萬安倉亦近城牆。特派玉福等前往履勘。據奏該處堆撥地方城牆上。亦有乘便縋取什物。致此痕迹。亦未可定。

著派兵工二部堂官帶同司員書算人等。前往周厯城上。詳查四面城垣。有無似此繩拉痕迹。並查各堆撥是否完整。足資兵丁棲止。及各處馬道柵欄。是否一律整齊。如有應需修葺堆撥更換輒石之處。著該堂官等詳晰勘估。開單具奏。○又

諭前派兵工二部堂官前往各城。周厯四面城垣。詳查有無繩物繩痕。茲據覆奏各城垣上繩痕。共有一千餘道。其中有因興舉城工。繩取料物者。有因芟除城牆草木。繫繩縋下者。並有堆撥官兵乘便取用什物。以致日久牽曳。繩迹滋多等語。京師重地。周圍城垣。

自應一律整齊。每遇興舉大工。例有架木天橋。可以轉運。本不應於城上縋取。即尋常工程。或就近縋取料物。及芟除草木。所有牽曳繩迹。事竣後著隨時責令立加修整。至堆撥官兵應用什物。各城均有馬道可行。何得於城上乘便取物。毫無忌憚。實屬藐玩。除舊有繩迹。著工部堂官等勘明修葺外。此後附近堆撥地方城垣。如再有縋物繩迹。即將該處堆撥官兵治以應得之罪。○又議奏。嗣後九門城上守衛官兵。仍令八旗驍騎營。照原定人數輪流撥派。晝夜巡邏。並將柵欄鎖鑰。改交本地面步軍校司掌。



每逢換班日。該管官兵眼同各該處掌鑰官啟柵。分別點驗出入。沿城八旗馬道十九處。每處分道二股。各設柵欄一座。共柵欄三十八座。每馬道一座。添設步軍校一員。步甲十名。分派各柵欄看守。以昭嚴緊。合計每座柵欄。建蓋堆撥房三間。共蓋房一百一十四間。官兵得棲止之所。不致有藉口曠誤之事。仍不時派官稽查。如有疏懈者。官則嚴叅。兵丁則從重懲辦。○又

諭軍機大臣慶桂等議奏城班章程。所議俱是。京師城垣守衛。舊制本極周詳。止因日久廢弛。以致該兵丁

等包班舞弊。而該管之大臣視為具文。並不認真查察。殊墮舊制。經此番申明定例。分別責成。各該大臣等務當督飭官兵。實力遵行。毋再始勤終惰。方於守衛有益。嗣後該都統副都統等。並著於本管官兵直班之時。輪流親往密查。不必約令時日。使該班官兵常存畏忌。庶免懈弛滋弊。設該都統等查明有包班曠玩等情。惟當據實嚴參。毋稍瞻徇。其失察之咎。轉可寬免。摺內著毋庸自請處分。慎毋仍前疏慢因循。致干咎戾。○又

諭據吉綸奏伊接任步軍統領據祿康交到合符。並無

匣貯印封。僅用布祇包裹。其存在正陽門西直門者。即由該處城門領掌管。伊亦未查驗等語。京城內外門。及皇城紫禁城各門。設立合符。規制甚嚴。今步軍統領衙門。如此輕率交代。殊不足以昭慎重。著交軍機大臣詳細查明。一併妥議章程具奏。欽此。遵

旨議奏。恭查雍正四年奉

旨發出陰文合符八扇。

景運門

隆宗門

東華門

西華門

神武門存儲各一扇。步軍統領衙門及正陽西直二門存儲各一扇。如遇夜間有應即時啟門者。俟

大內持出陽文合符至門。其

景運

隆宗

東華

西華

神武各門。由該司鑰長護軍參領等。將該衙門陰

文合符照驗。即行啟門。仍報知直班統領。其正陽西直二門。由該城門領將該門之陰文合符照驗。即行啟門。仍報知步軍統領。至未經頒給陰文合符各門。遇陽文合符至門。該護軍參領該城門領。即時具報。

紫禁城內直班統領。京城由步軍統領親齎陰文合符至門。與陽文合符照驗啟放。次日具奏。此項合符。典制綦重。其收儲自應加倍謹密。向來景運門等五處陰文合符。係用黃緞包裹。加儲木匣。正陽西直二門。係用木匣盛儲。外加黃袱。該

司鑰長護軍參領等。每日換班。該城門領五日換班時。均啟匣看視。接收交代。嗣後各門所儲陰文合符。先用黃紙包封。外用木匣存儲。在

紫禁城各門存儲者。內封加貼左右翼前鋒統領印花。匣外加貼鑲黃旗護軍統領印花。每屆一月。由該直班統領親加啟驗一次。該司鑰長護軍參領城門領換班時。仍驗明匣外印封無損。不許擅拆。若印封損動。立時報明該直班統領步軍統領親加覈驗。如止係外匣印花擦損。即換貼新印花。如內封印花啟動。根究明確。再行

加封。面交各該管官謹領收儲。步軍統領衙門所儲陰文合符。令自行加製木匣。敬謹如法存儲。其夜間照驗合符啟門。仍由各門該管官照定例遵行。○又

諭。京都內城九門城垣。分段安設堆撥及馬道柵欄。輪派官兵駐守巡邏。本年復經增議章程。鈐束稽查。恐該官兵等或仍有頂替曠誤等弊。本管官糾察未能周密。著派潤祥李鈞簡自正陽門東馬道上城。查至朝陽門馬道下城。派誠安費錫章自朝陽門馬道上城。查至德勝門馬道下城。此二段並查看近倉情形。

有無繩痕索鍊等事。派曹師曾、貴慶、自正、陽門、西馬道上城查至阜成門馬道下城。派砥柱、彭希濂、自阜成門馬道上城查至安定門馬道下城。均於本月二十一日辰刻同時隨往。詳細點查。次日將察看情形各自具摺覆奏。如查有該兵丁等包班曠誤等弊。即行據實參奏。○十七年奉

旨。上年因京都內城九門城上堆撥官兵曠誤班期。特定章程。令各旗都統、副都統、參領等每月分次查城。並交步軍統領按月查明彙奏。以憑稽考。自上年十二月初四日起。兩屆奏報均無曠班之人。此次副都



統參領內有誤班一次二次者。未免漸萌怠惰。不可  
不予以處分。所有此次查城不到之副都統興肇華  
聘舒明阿均著交部察議。其參領等著各該旗查取  
職名。交部一併察議。嗣後如查有三次不到者。即著  
交部議處。若再曠誤多次。並當交部嚴加議處。該副  
都統等務當按期上城認真稽查。毋得日久生懈。視  
為具文。○十八年

諭本月十五日。賊匪擅入禁城。係由宣武門入東華門。  
西華門進蒼震門。該管步軍統領等。門禁懈弛。已將  
吉倫玉麟革職。是日紫禁城直班。係署護軍統領楊

謝曾其咎更重。楊謝曾著革職。即日發往伊犁效力贖罪。至此三門。蒼震門係在大內。疏防最重。東華門。西華門次之。宣武門又次之。所有該班之官員兵丁等。除受傷身故及受傷者。將功抵過。毋庸議外。其餘著托津等查明。會同刑部。分等治罪。○二十四年

諭。福園門切近大內。豈容負販人等雜沓往來。漫無禁約。著步軍統領衙門。立即查明。除該處原花洞阿哥他坦王公大臣寓所。及太監等各他坦房屋外。其餘鋪肆板棚。概行拆毀。驅令即行遷移。嗣後此處地面。即肩挑背負。亦不准開設。責成步軍統領等管理稽

查。如再有違禁潛居開肆者。惟該衙門是問。○又奏准。王公大臣官員人等車馬。概不准過八旗頭堆撥。庶免喧雜。○咸豐三年奏准。京城內外十六門。每門加派八旗官二員。兵二十名。分為兩班。在本旗本門官廳。協同門官門兵一體稽查。○又奏准。內九門城堆兵丁。每日於起更後在城上傳籌。步軍統領衙門於內城根加添步營兵丁擊梆走籌。外城根加添五營兵丁鳴鑼走籌。

編查保甲 ○嘉慶十八年

諭御史嵩安等奏酌籌內城編查保甲事宜。請交步軍統領衙門覈辦一摺。內城地面向係步軍統領管轄。舊有十家戶名目。即仿照保甲規制。覈實編查。較為簡易。所有內城旗民戶口編查保甲事宜。著專責成步軍統領衙門認真妥辦。毋稍延緩。此內除王公滿漢文武官員三品以上者。令其自行查察外。其四品以下職官。均與旗民一體編查。有升任三品者。隨時具報開除。○二十年

飭步軍統領衙門就所轄地面設法嚴查。遇有外來之人。務詳究來歷。毋令不法之徒。溷迹市廛。○道

光元年。

飭步軍統領衙門於鋪家業戶門牌戶冊隨時嚴密稽察。如有遷徙增減。按照章程逐一更正。○同治元年。

飭步軍統領衙門會同五城認真整頓保甲。並申明夜禁。○光緒十年。

飭步軍統領衙門督飭所屬舉行保甲。認真稽察。毋得有名無實。視為具文。